



Jess Svane
Siumut

06-10-2021
Sullap nr. 2020 - 24290
Akt. id 18110368

Postboks 970
3900 Nuuk
Tlf (+299) 34 50 00
Fax (+299) 34 63 64
E-mail: isn@nаноq.gl
www.naalakkersuisut.gl

Siusinaartumik utoqqalinersiaqarnermut atatillugu sulianik isumaginninnermi piffissat atorneqartartut pillugit ilisimatitsissut.

Asasara Jess Svane,

Inatsisartut inatsisaata allanngortinneqarnerat pillugu Inatsisartut inatsisissaata imm. 121-p siullermeerlugu oqaluserineqarneranut atatillugu siusinaartumik utoqqalinersiaqarnermut atatillugu sulianik isumaginninnermi piffissat atorneqartartut pillugit apeqquteqarputit. Apeqqutip Ilaqutariinnut Peqqissutsimullu Ataatsimiititaliamut akineqartussanngorlugu suliarineqarnissaa kissaatigivat.

Siusinaartumik utoqqalinersiaqarnermut atatillugu sulianik isumaginninnermi piffissat atorneqartartut allannguutissatut siunnersuummut ilaatinneqanngillat, taamaattumik allakkatigut ilisimatinneqarlutit akineqarputit.

Isumaginninnermut, Ilaqutariinnermut Inatsisinillu Atuutsitsinnermut Pisortaqarfiusimasup siusinaartumik utoqqalinersiaqartut pillugit suliassaqarfimmik nalilersuineranut atatillugu nakkutilliinnermut nalunaarusiamik suliartaqarpoq, tassani ilaatigut siusinaartumik utoqqalinersiaqalernissamut qinnuteqaatit suliarineqartarnerat oqaaseqarfigineqarluni:

Sulianik isumaginnittarnerup takutippaa suliaq nalinginnaasumik qaammatit arfinillit missaanni ingerlanneqartartuq. Tassunga pingaarnertut peqqutaavoq, suliap ingerlanerani immikkuualuttut ataasiakkaat akornanni sivisuumik utaqqisoqartarnera.

Innuttaasoq sulilerseqqinneqassappat, taava suliaq nalinginnaasumik ukiup ataatsip ukiullu marluk imaluunniit siviuserusumik ingerlasinnaasarput. Tassunga peqqutaavoq, suliap tamarmiusup ingerlasarnera (taamaattumillu aamma utaqqisoqartarluni) siviuserusinnaasarami, kiisalu kommunit ilaasa sulilersitsiniaanermut siviuserusumik ingerlatsisarnerat. Tamakkua suliart ingerlanneqarneranni piffissamik tamakkiisumik atuinnermik sivitsuisarput.

Illoqarfinni Majoriap aammalu isumaginninnermut ingerlatsiviup suliassanik isumaginninnermut systemiisa akornanni oqaloqatigiittoqanngikkaangat suliap unittoorallarneranik allaat kinguneqarsinnaasarpoq.



Tassunga atatillugu isumaginninnerup iluani inatsisiliornerup nutarterneqarneranut atatillugu pisortat suliasanik isumaginninnermut atortagaasa systemit pitsanngorsarnissaannut suliniutit aallarnisarneqassapput. Taamaasilluni isumaginninnermi suliat nalinginnaasumik pitsaanerusumik naammassisaqarfiunerusumillu ingerlanneqarsinnaalissapput.

Ilisimatitsissut Ilaqutariinnermut Peqqissutsimullu Ataatsimiititaliamut ilanngullugu nassiunneqarpoq.

Inussiarnersumik inuulluaqqusillunga

A handwritten signature in black ink, appearing to read 'Mimi Karlsen', written in a cursive style.

Mimi Karlsen



Siverth Karl Heilmann
Atassut

06-10-2021
Sullap nr. 2020 - 24290
Akt. id. 18108470

Postboks 970
3900 Nuuk
Tlf. (+299) 34 50 00
Fax (+299) 34 63 64
E-mail: isn@nanoq.gl
www.naalakkersuisut.gl

Utoqqalinersiaqartut saniatigut isertitaqarsinnaanerannut periarfissat pillugit ilisimatitsissut.

Asasara Siverth Karl Heilmann,

Utoqqalinersiaqarneq pillugu Inatsisartut inatsisaata aammalu siusinaartumik pensionisiat pillugit Inatsisartut inatsisaata allanngortinneqarnerat pillugu Inatsisartut inatsisissaata imm. 121-p siullermeerlugu oqaluuserineqarneranut atatillugu apeqqutigivat utoqqalinersiat saniatigut isertitaqarsinnaanermut periarfissat suunersut. Apeqqutip Ilaqutariinnut Peqqissutsimullu Ataatsimiititaliamut akineqartussanngorlugu suliarineqarnissaa kissaatigivat. Utoqqalinersiaqartut saniatigut isertitaqarsinnaanerant allannguutissatut siunnersuummut ilaatinneqanngilaq, taamaattumik allakkatigut ilisimatinneqarlutit akineqarputit.

Utoqqalinersiaqarneq pillugu maleruagassat utoqqalinersiaqarneq pillugu Inatsisartut inatsisaanni nr. 20, 23. november 2015-imeersumi kingusinnerusukkullu allannguuteqartumi nassaassaapput.

Utoqqalinersiaqartup aallaavittut tamakkiisumik utoqqalinersiaqartarpoq, taannalu imaqarluni tunngaviusumik utoqqalinersianik aammalu utoqqalinersianut tapimik.

Utoqqalinersiaqartoq taassumalu ilaatigut aapparissaa utoqqalinersiat saniatigut qaffasissumik isertitaqarsimagunik, taava utoqqalinersianut tapeq nalimmassaaffigineqassaaq. Aapparissap isertitai tunngaviusumik utoqqalinersianut sunniuteqartussaangillat, tassami tunngaviusumik utoqqalinersiat aatsaat nalimmassaaffigineqartarmata utoqqalinersiaqartoq nammineerluni, utoqqalinersiat saniatigut, qaffasissumik isertitaqartarpat.

Utoqqalinersiaqarneq pillugu Inatsisartut inatsisaata allanngortinneqarnera pillugu Inatsisartut inatsisaata nr. 24, 7. december 2015-imeersup akuersissutigineqarneratigut Inatsisartut utoqqalinersiani isertitat toqqamaviusut naatsorsorneqartarneranni aallaavigineqartassanngitsut aalajangerput, aammalu Nunani Avannarlerni isumaginninnikkut qularnaveeqqusiineq malillugu utoqqalinersiat pisassasut aalajangerneqarluni.

Utoqqalinersiaqarneq pillugu Inatsisartut inatsisaata allanngortinneqarnera pillugu Inatsisartut inatsisaata nr. 35, 28. november 2019-meersup akuersissutigineqarneratigut utoqqalinersiat qaqugukku nalimmassaaffigi-




neqarnissaannut isertitanut killissarititaasut qaffanneqarput. Taamaasilluni utoqqalinersiat nalimmassaaffigineqarneranni kisitsisit killigitinneqartut atuuttut ukuulerlutik:

Tunngaviusumik isertitat 383.666 kr.-iniit aallartittumik nalimmassaaffigineqartarput, aammalu tunngaviusumik utoqqalinersiat 544.263 kr.-inik isertitaqarnermi atorunnaartarlutik.

Utoqqalinersialinnut kisermaanut tapit 156.000 kr.-iniit nalimmassaaffigineqalertarput, aammalu utoqqalinersianut tapit 383.666 kr.-inik isertitaqarsimagaanni atorunnaartarlutik. Aappariinnut utoqqalinersianut tapit katillugit 183.000 kr.-inik isertitaqarsimagaangata nalimmassaaffigineqalertarput, aammalu utoqqalinersianut tapit katillugit 300.000 kr.-inik isertitaqarsimagaangata atorunnaartarlutik, aapparisaq utoqqalinersiaqarnissaminut pisinnaatitaaffeqaqqanngikkaangat. Aapparisaq aamma utoqqalinersiaqalersinnaappat, katillugit 384.327 kr.-inik isertitaqarsimagaanni utoqqalinersianut tapit atorunnaartarlutik.

Ilisimatitsissut Ilaqutariinnermut Peqqissutsimullu Ataatsimiititaliamut ilanngullugu nassiunneqarpoq.

Inussiarnersumik inuulluaqqusillunga


Mimi Karlsen